

LOCAL
BON DIA

Aruba

Orguyoso!



Les a pagina B7

**Presente na
Carnaval!**



Les a pagina B7

Premia!



Les a pagina B16

Sra. Carnaval!



Les a pagina B8 y B9

ALEGRÍA y Fantasía

Alegria y Fantasía

Meta Social Club ta orguyoso di nan Sra. Carnaval Lynette Bernadina



ORANJESTAD - Meta Social Club ta felicita tur candidata pa Sra. Carnaval cu un tremendo presentacion dialuna anochi. Den Aruba Entertainment Center tabata reina un ambiente fabuloso, e candidatanan carismatico a tumu over e stage cu entusiasmo y tabatin publico henter den suspensio cu diferente sorpresa te na fin di eleccion. Lynette Bernadina a conquista curasonnan cu su speech, su sonrisa contagioso y bon humor. El a move, baila y jump cu gusto y representa Meta Social Club dignamente. Loke a cuminsa como un chansa di parti Lynette, a haya apoyo entusiasmo di Meta Social Club y a resulta den un exito rotundo y e corona di Sra. Carnaval 2014, alabes Aruba su di 20 Señora Carnaval. Lynette Bernadina a sali Señora Carnaval pa e compania

MetaCorp algun tempo pasa y ora e grupo di Carnaval a forma y tabata buscando un candidata pa bay representa nan na stadion, Lynette Bernadina a haci e chansa "mi no ta baha corona". Tabata net loke Meta Social Club tabatin mester tende pa dicidi di nombra Lynette como nan representante y di eynan tur e preparacionnan y un periodo hopi druk y leuk a cuminsa pa Lynette y su grupo. Alegria, fantasia y elegancia a resalta den su show, unda cu Meta Social Club a show off su colornan biña y plata. Na final di anochi e fanaticada di Lynette Bernadina no por a stop di jump di contento, tanten cu e MC- nan a anunci'e tambe como e ganador di Best Speech, Best Show, Best Costume y Mas Popular. Meta Social Club ta orguyoso di Lynette y ta invita tur

persona cu ta desea di compania nos Señora Carnaval den parada pa pasa na e headquarters di Meta Social Club, situa entre Balashi Cash & Carry y Ritz riba L.G. Smith Boulevard, pasobra ainda tin algun luga disponibel. Inscripcion pa un, dos of tur cuater parada ta posibel y tin prijs special pa empleadonan di tur subsidiario di MetaCorp. E sede ta habri di 4'or y mey di atardi pa 10or di anochi den siman y den weekend, for di 5'or di atardi pa 10or di anochi. Meta Social Club ta wordo compania pa N'Fusion, Duro y S-United. E bar ta un Premium open bar cu productonan di Tropical Bottling Company, manera Chill, Coca Cola, Diet Coke, Fuze Ice Tea, Awa, biña blanco y cora, white zinfandel, AWA, Power Aid, Dewar's whisky, Bacardi Rum y vodka. □

